

摘藻堂四庫全書薈要

經部

欽定四庫全書薈要

經部
周禮訂義卷八

詳校官編修臣程嘉謨



欽定四庫全書薈要卷一千九百四

經部

周禮訂義卷八

宋 王與之 撰

天官冢宰下

醫師上士二人下士四人府二人史二人徒二十人

鄭康成曰醫師衆醫之長也

○賈氏曰凡言師者皆取可師法也

○陳

宏甫曰人之一身之用與天地同有餘則損不足則補天之道也自非達得造化消息盈虛之理如何會知得人身中氣偏之所在此直是絲毫不可差如後

世庸懦安能了得此事所以成周以士大夫為之

薛平仲曰膳夫自庖人至腊人既聯事以共其職矣
食醫一官屬焉可也特別而置諸醫者之列固人主
護養之道然護養之道人主之所能有也君子之所
能放也彼天下之民其孰能知節於此哉不知所以
節之則陰陽之寇每易以乘隙而傷其和而疾病見
矣先王不忍厚己以忘民也是故先於食醫則有醫
師以掌分治民物之疾病後於食醫則疾醫瘍醫獸

醫次第而設焉蓋仁出於身而加於民愛乎物實自夫一飲一食之間推之

掌醫之政令聚毒藥以共醫事

劉執中曰醫師掌醫之政令則聚其毒藥有州土之宜有采取之候有治煉之方有攻療之制悉預知之然後可以共醫事○鄭鋤曰治病之法亦有用善藥以補治之者不必皆用毒藥說者云巴豆狼牙之類藥之有毒者也人參芎藭之類藥之無毒者也此言

聚毒藥蓋謂以毒為主也愚以為不然瘍醫云以五毒攻之以五藥療之則毒與藥二物也藥之毒與夫藥之不毒者皆不可以卒求如七年之病求三年之艾則不可不蚤收而預蓄也

凡邦之有疾病者有疖

匹婢反

瘍

音羊

者造

七報反

焉則使醫

分而治之

賈氏曰疾病者謂若疾醫所云也疖瘍者謂若瘍醫所云也二者皆造醫師醫師則以疾病者付疾醫疖

瘍者付瘍醫

○史氏曰腹心四體其有不康謂之疾病附贅癰疽謂之疣瘍○鄭銘曰疣謂

瘡生於頭者瘍

謂瘡生於身者

歲終則稽

古今反

其醫事以制其食十全為上十失一次

之十失二次之十失三次之十失四為下

王氏曰饑廩稱事然後能者勸而不能者勉○王氏

詳說曰小宰於百官府則以叙制其食宮伯於宮中

之官府則均其稍食此曰稽其醫事以制其食皆食

功也

鄭康成曰全猶愈也以失四為下者五則半矣或不

治自愈

○王昭禹曰晉侯有疾醫緩曰疾不可為也在膏之下育之上公曰良醫也晉侯果卒然

全者但知其可治不可治而騷焉者皆全矣

史氏曰計其所失為之殿最則為醫者惟恐其失之矣

食醫中士二人

賈氏曰宰夫疏曰食醫府史胥徒俱無以其專官行

事無所須故也

○王氏曰醫師聚毒藥以共醫事則有藏矣故有府掌醫之政令而使之

分治疾病稽其事制其食則有書且有政令矣故有史有徒諸醫毒藥於醫師受政令聽所使治則無用

府史

胥徒

掌和王之六食

音嗣

六飲六膳百羞百醬八珍之齊

才細反下

皆同

賈氏曰六食以下皆膳夫所掌此主調和而已其六

食等義並在膳夫

○史氏曰和之者調其滋味之宜通其寒溫之候辨其物性之相忌

相使可以進之也

陳及之曰食醫醫師之屬其職專和飲食而不治醫

事者也蓋人之疾病未有不自飲食致之能防於未
病之前則疾鮮矣故有庖人內饔辨鳥獸魚物腥臊
之不可食者而食醫又以法調和食飲膳羞之齊亨
人給水火之齊內宰以陰禮教六宮以陰禮教九嬪
以婦式之法教九御以時御叙于王所其防微杜漸
皆所以謹疾無所致疾故食醫不治醫事也若待其
已病然後療之此後世之事非先王之制

凡食齊眡春時羹齊眡夏時醬齊眡秋時飲齊眡冬時

賈氏曰眡猶比也羹若大羹鉶羹等醯人醯人惟有
醢醢不言醬即豆醬也公食大夫禮公親設醬醬者
食之主言醬則該諸豆實○方氏曰齊與王制遲速
異齊之齊同食齊則黍稷稌粱之類羹齊則雉兔雞
犬之類醬齊則醢醢醢菹之類飲齊則水漿醴涼之
類食齊視春固以溫為主然食養物而生之亦春之
事羹齊視夏固以熱為主然羹熟物而化之亦夏之
時也醬齊視秋固以涼為主然醬將物而成之亦秋

之事飲齊視冬固以寒為主然飲潤物而清之亦冬之事○史氏曰非謂於四時各供其品言其所宜之氣耳宜溫眠春宜熱眠夏宜涼眠秋宜寒眠冬一食之間具此四氣也

凡和春多酸夏多苦秋多辛冬多鹹調以滑甘

易氏曰春為木味多酸以養肝夏為火味多苦以養心秋為金味多辛以養肺冬為水味多鹹以養腎脾土旺於四季故皆調以滑甘

史氏曰非謂四時各專一味謂之多者就五味中使一味勝焉以養其氣也如春則肝用事用則勞勞則損損則四藏勝而疾生焉曲直作酸唯酸為主可以引諸味以益肝氣而使適平夏之苦秋之辛冬之鹹莫不皆然調以滑甘者則受和為五味之本也在五行曰土在五常曰信在五藏曰脾脾養五藏土旺四季而信於四端無不用者若甘之總五味也○鄭康成曰各尚其時味而甘以成之猶水火金木之載於

土內則曰棗栗飴蜜以甘之薑苴粉榆兔薨滑瀝以滑之

王昭禹曰溫熱寒涼天所造以養萬物者也酸苦辛鹹地所化以養萬物者也人之一身常與天地流通則其氣味之所養又安可違此溫涼寒熱之所御必在順四時之氣酸苦辛鹹之所節必欲順四時之味凡會膳食之宜牛宜稌羊宜黍豕宜稷犬宜粱鴈宜麥

魚宜菰

音瓜

鄭康成曰會成也謂其味相成○鄭鍔曰膳食各有相宜者又當會而合之使氣味相成牛土畜也秣稻也澤中所生與土畜相宜羊火畜也黍高燥所生與火畜相宜豕水畜也稷北方之穀與水畜相宜犬金獸也粱西方之穀與金畜相宜鴈陽物也麥秋種而夏熟得陽氣為多與鴈相宜魚水物也菰者米之生於水者也與魚相宜凡此皆氣味相宜者也○楊氏曰所以養陰陽之氣不可以偏勝凡此皆衛生之道

王氏詳說曰洪範五行以自順為序六府五行以相剋為序月令五行以相生為序人食味別聲被色未有不本於五行者或以同氣而為之宜者牛宜稌羊宜黍魚宜菰是已土之與土火之與火水之與水其同氣歟或以相克而為之宜者豕與稷是已土之與水其相克歟或以相生而為之宜者犬宜粱鴈宜麥是已金之與土火之與木其相生歟若夫月令言食麥與羊食菽與雞食稷與牛食麻與犬食黍與燕與此不同者蓋彼言其所與順時令也

凡君子之食恒放

甫往反焉

王昭禹曰君子與王貴賤之分不同而養生之理則未嘗異故膳食所會之宜皆得以放王而自養焉

黃氏曰秦鑿和謂趙孟曰國之大臣榮其寵祿全其
大節有蓄禍興而無改焉必受其咎今君至於淫以
生疾主不能禦吾是以云良臣將死也夫師之教訓
傳之德義保其身體冢宰之事也周冢宰必兼三公
使其燥濕寒暑之不戒飲食起居之不節而疾生焉
則何以為師保故食藥之調適飲膳為詳而醫師奉
王之事屬於冢宰豈苟而已哉

鄭節卿曰古者史官樂官與醫卜之官皆世其業不

兼官不貳事懼其不精也醫不三世不服其藥執技
以事上者惟醫為難精惟疾病不可不謹先王豈敢
以一人而兼二三人之能哉是故食醫之下有疾醫
調飲食不兼於治病疾醫之下有瘍醫察內證不兼
於外證瘍醫之下有獸醫治禽獸者不兼於治人也
必求其精不敢計其冗先王之仁也

疾醫中士八人掌養萬民之疾病

賈氏曰疾輕病重論語註疾甚曰病○王昭禹曰安

強得於氣之和疾病由乎氣之乖善醫者審其源亦
貴乎成養氣為本蓋五藏六府之氣均則疾病無自
而作一或盈而有餘一或羸而不足則偏勝而疾病
因之以起所謂養者育之使其氣一於充實而後已
下文以五味五穀五藥養其病是也

四時皆有癘疾春時有瘡

音消

首疾夏時有痒

以掌反

疥

音介

疾秋時有癰

音嶽

寒疾冬時有嗽

西豆反

上

時掌反

氣疾

鄭康成曰癘疾氣不和之疾瘡酸痛削首疾頭痛嗽咳

上氣逆喘也

史氏曰四時皆有癘氣人感之者謂之癘疾夫人之
一身冲和之氣彌滿四體一有虧失則內氣必消外
邪客氣乘之以入而癘焉如置杯於水外水得入者
內水虧也故疾醫之職必先於調養其內氣消矣則
傷之者衆冬傷於寒春必為溫夏傷於暑秋必為瘧
寒氣蘊伏春溫激之故熱生焉此疾必先頭痛也暑
氣蘊伏秋涼激之故寒生焉瘧寒者脾寒也言此病

必先寒至也熱之餘毒客於肌膚而不散故夏有痒
疥之疾寒之餘毒傳於華蓋而上升故冬有嗽上氣
之疾

以五味五穀五藥養其病

鄭康成曰五味醯酒飴蜜薑鹽之屬

○賈氏曰醯則酸酒則苦飴蜜

則甘薑則辛鹽則鹹是故言酸鹹等而言醯酒之屬者或當醫方用也

五穀麻黍稷麥

豆

○賈氏曰此依月令五方之穀據養疾而食之非必入於藥分也○愚按素問以麻麥稷稻豆為五

穀以麻屬木麥屬火稷屬土稻屬金豆屬水若疾醫用以養病必知物性所宜恐當從素問為是

五

藥草木蟲石穀養猶治也病由氣勝負而生攻其羸

養其不足也

○賈氏曰假令夏時熱病者體寒即是水水羸而勝火氣負而不足故夏時病

者則五味中食甘五穀中食稷以甘稷是土之穀味土所以克水是攻其羸也土生於火土是火之子食甘稷為子養母之道故云養其不足也

王氏曰素問曰形不足溫之以氣精不足補之以味味養精者也穀養形者也藥則療病者也養精為本

養形為次療病為末

○史氏曰得是病者不貴急攻調之使氣內正內正則外邪客

氣無所容而疾去矣故五味以滋其氣五穀以榮其血五藥以禦其邪而病不愈者末之有也○呂氏曰

先以五味五穀繼以五藥以藥醫之下也雖然豈獨醫哉

以五氣五聲五色眡其死生

鄭康成曰五氣五臟所出氣也肺氣熱心氣次之肝

氣涼脾氣溫腎氣寒五聲宮商角徵羽也

○賈氏曰宮數八十

一配土商數七十二配金角數六十四配木徵數五十四配火羽數四十八配水此五聲數多者聲濁少

者聲清人之言語似之

五色面貌青赤黃白黑察其盈虛休王

吉凶可知

○賈氏曰假令冬時面色黑其氣寒聲應羽此是盈而王吉可知若冬時其色黃其

氣熱聲應宮此是中央土克已此是虛而休凶可知

三者劇易之徵見於外者

○賈氏曰氣病在內人所不覩見其聲色則知其增劇及簡易也

○王昭禹曰素問

曰五臟之象可以類推五臟之音可以意識五臟徵驗可以目察○王氏曰望其氣又聽其聲又觀其色以眡其死生不過五以味穀藥養其病亦不過五則以物之更王更廢更囚更死不過五故也

兩之以九竅

古弔反

之變參之以九藏之動

賈氏曰此驗其脉候九竅與所眡為兩兩與九藏為

參

○易氏曰九竅皆有形而見於外者觀其證之變而有通塞之二候故曰兩九藏皆有形而藏於內

者察脉之動而有浮
中沉之三部故曰參

鄭康成曰陽竅七陰竅二竅之變開閉非常

○劉執中曰變

者失其
常職

正藏五又有胃膀胱大腸小腸藏之動謂脉

至與不至○賈氏曰正藏五者謂肺心肝脾腎並氣
之所藏故得正藏之稱又有胃膀胱大小腸乃六府
中取此四者以益五藏為九也黃帝八十一難經說
胃為水穀之府小腸為受盛之府大腸為行道之府
膀胱為津液之府氣之所生下氣象天故寫而不實

實而不滿若然此則正府也故入九藏其餘膽為清

淨之府三焦為孤府非正府故不入九藏

○劉執中曰神藏五

難經曰心藏神肝藏魂肺藏魄脾藏意腎藏志是謂神藏五也形藏四謂頭角也耳目也口齒也胃中也故下部天以候肝地以候腎人以候脾胃之氣中部天以候肺地以候胃中之氣人以候心上部天以候頭角之氣人以候耳目之氣地以候口齒之氣故三部者各有天地人合為九分以應九野以察九藏故曰參之以九藏之動則生死不能逃矣

史氏曰九竅在外九藏主之兩之以外證之變動參之以九藏之脉息始能決之

王昭禹曰難經望而知之謂之神聞而知之謂之聖問而知之謂之工切脉而知之謂之巧望以五氣望而知者也聽以五聲聞而知者也問以五味問而知者也診九藏之動切脉而知者也

凡民之有疾病者分而治之死終則各書其所以而入于醫師

賈氏曰以疾醫中士八人各有能故使分治之也

王○

氏曰醫師言使醫分而治之疾醫又言分而治之者醫師分疾病疔瘍使各治之而疾醫所治亦各有能

也至於瘍醫但言凡有瘍者受其藥則腫瘍潰瘍折瘍同科而已

鄭康成曰少者曰死老者曰終所以謂治之不愈之

狀也醫師得以制其祿且為後治之戒

○王氏曰獸醫曰死疾醫

曰終終則盡其道而死者也終亦有所以而非醫之罪亦書其所以焉使知如此者在所不治也

瘍醫下士八人

王昭禹曰氣乖不和則為病血壅不行則為瘍病以氣而其傷在藏府瘍以血而其傷在肌膚此疾醫所以治內而瘍醫又有以治外也○鄭鍔曰瘍者疾之

至惡治之尤難伯牛有疾說者以為癩孔子曰亡之命矣夫荀偃痺疽生瘍於頭至於大病目出而死信夫為疾尤惡非他醫所能愈故特設一官

掌腫瘍潰瘍金瘍折瘍之祝

反之樹

藥劑

刮音

殺之齋

反才

細

王氏曰腫瘍聚而不潰潰瘍潰而不聚金瘍刀創未

必折骨折瘍折骨未必刀創

○史氏曰金者凡鋒刀利芒所傷折者凡墜壓

損聚所致腫瘍癰而上生瘡者潰瘍癰而含膿血者

鄭鏐曰王安石謂疾之惡者藥或不能攻則有祝焉

乃引素問上古移精變氣祝由之說以為證

○鄭康成曰祝

當為注讀如注病

之注聲之誤也

愚攷醫之用祝理或宜然今世有以氣封瘍而從之者正祝由之遺法也祝之不勝於是用藥藥或不能去必剮以刀而去惡血剮而不愈必殺之以藥而食其惡肉凡四法各有淺深之度故言齋

凡療瘍以五毒攻之以五氣

音

養之以五藥療之以五

味節之

鄭康成曰止病曰療攻治也五毒五藥之有毒者今
醫方有五毒之藥作之合黃墜置石膽丹砂雄黃礬
石慈石其中燒之三日三夜其煙上著以雞羽掃取
之以注創惡肉破骨皆盡出

王氏曰以五氣養之生之也獨於瘍言素問曰形不
足溫之以氣瘍之治宜以氣也而以五氣養之反在
以毒攻之之後則必先除其惡然後可養也

○鄭康成曰五

氣當為五穀字之誤也

以五藥療之治之也凡療瘍者五毒五

氣五味亦所以療之也而獨言以五藥療之者以藥為主也○鄭康成曰節節成其藥之力也

○賈氏曰即下文以

酸養骨之類是也

史氏曰治療之序五毒攻之利法也自內作者血氣壅滯不利不瘡自外受者毒必相資不利不瘡利已則腸胃虛以五穀之氣補之以五藥之良調之以五味之中節之則內和而平外疾去而支膚全矣

○王昭禹

曰疾醫以五味五穀五藥養其病而瘍醫以五藥療之然後以五味節之者疾醫所言者養也且病以治

內為主故先味而後藥瘍醫所言者療也且療以治外為主故先藥而後味

凡藥以酸養骨以辛養筋以鹹養脉以苦養氣以甘養肉以滑養竅凡有瘍者受其藥焉

鄭鍔曰先攻以五毒後療以五藥豈其五藥並用而求一物之幸中哉又當視其病之所損者而嚙其味以養之也其有損於骨則以酸養之酸之味由木所作木強能立事可以強其骨有損於筋則以辛養之辛之味由金所作金能纏合異物可以收其筋有損

於脉則以鹹養之鹹之味由水所作水能流行可以
柔其脉有損於氣則以苦養之苦之味由火所作火
氣炎上可以作其氣有損於肉則以甘養之甘之味
由土所作土能含載萬物可以生其肉有損於竅則
以滑養之滑石之性能滑物而通之可以利其竅凡
此皆療瘍之法也

○王昭禹曰素問曰酸收辛散鹹

更苦堅甘緩夫肉以骨為體骨收則強故以酸收之肉以筋為節筋散則不寧故以辛散之脉所以行血脉更則和故以鹹更之氣所以充體氣堅則實故以苦堅之肉緩則不壅故以甘緩之竅利則不滯故以滑利之且腎主骨腎水屬也故欲

收肝主筋肝木屬也故欲散心主脉心火屬也故欲
更肺主氣肺金屬也故欲堅脾主肉脾土屬也故欲
緩主於竅則以骨為體而以肉為包所以通氣也素
問曰骨肉滑利可以長久惟滑則無所凝止則竅亦
水屬也故以滑利為主○劉執中曰以酸養骨者酸
主肝而腎主骨以子養母則骨之折者可續以辛養
筋者辛主金之味也而克於木不使肝與筋過盛以
鹹養脉者心火也而主於脉鹹水之味而克於火不
使心與脉過盛以苦養氣者脉金也而主於氣苦火
之味而克金不使肺盛氣過血以甘養肉者脾主肉
甘者土之味而主脾者也養之使盛則肉速長而瘍
可合以滑養竅者竅不滑則閉塞不通而毒氣內壅
則反攻於瘍不可得而速合然則瘍之為病也四而
所以破陷者肉也斷折者骨也則夫氣也脉也筋也
過盛而流通則其瘍不可得而合矣故必抑之使微
而肉也骨也缺損而欲其合且續也故必養之而使

盛竅則利之而使宣
此所以為療瘍之道

史氏曰瘍之作本於壅滯鬱結藥之用專於通利疏導則疾何由而有譬之治國上情下宣下情上達無有壅蔽之患治斯舉矣然則用宣利之藥者瘍醫之大法至於血氣之虛實在乎用藥之多寡如盤走圓貴乎得其意而已

陳及之曰醫官之屬自萬民疾病及禽獸無不治療而王朝公卿大夫士則不主治之何也蓋卿大夫士

權力足以致之財賂足以使之故治不在上之人設
官掌之也若萬民之疾病良醫既不肯治非設官以
治之則人有死非其命矣

獸醫下士四人

鄭鍔曰古者服牛乘馬引重致遠有賴其力用其力
而不治其疾則種類浸潰以死何以供用自漢以來
如張里以馬醫而擊鍾黃憲乃牛醫之子則獸醫者
豈非為牛馬而設

愚案人為萬物之靈君仁民而後愛物故人之為
醫二獸之為醫一

掌療獸病療獸瘍

史氏曰疾與病一也分言之則疾淺而病深俱治之
者貴人也至於獸醫則療獸病而已不問其疾彼其
口不能言不食水草而鳴之哀亦先王之所不忍醫
固不可無也

凡療獸病灌而行之以節之以動其氣觀其所發而養

之凡療獸瘍灌而刮之以發其惡然後藥之養之食

似音

鄭鍔曰獸與人異類不可求於言語痛癢之際故其
病為難知療之之法則先灌藥劑以行之行則知其
病之所在然行之不已則其病浸劇又當節以止之
蓋先動其脉氣脉氣不發無從用藥因其氣所發動
之處從而養之則其病可除若療其瘍亦灌以藥既
灌則括其惡肉以發其惡然後外附以藥內養其氣

而用芻秣以食之此療獸瘍之法

凡獸之有病者有瘍者使療之死則計其數以進退之
史氏曰疾醫於人死則書其所以而獸醫於獸死則
計其數而已其詳略不同皆先人後物之意所謂計
其數而後進退之者隨其勲效之有無而予奪其食
醫師稽其醫事以制其食是也

酒正中士四人下士八人府二人史八人胥八人徒八
十人

鄭康成曰酒正酒官之長○黃氏曰宮正宮伯之掌
宮室居處之正也膳夫庖人之事膳羞飲食之常也
酒醬醢醢宜聯膳飲舍次帟幕宜聯宮室離之而在
醫師之後其下遂列府藏嬪御之官蓋以為厚味腊
毒游觀怠荒貨賄遂至聲色縱欲皆足以致疾其在
典章雖不可已而可節其在人情雖不能免而可戒
是皆大宰之所當知自秦以來宰相不復預此凡人
主共養盡屬少府乃為天子私人夫豈惟宰相不得

預而醫卜史官加諸吏左右曹則與聞政事矣尚書
密掌樞機則權侔宰相矣

薛平仲曰酒以行禮固不能不用而酒以亂德尤不
可輕用觀酒誥一篇周公之慮悉矣則設官分職之
際豈苟然哉故於酒正之官則以命士而掌政令以
式法而授酒材而為酒為漿者則以奄官女奚主之
蓋酒正以如是之式而畀之酒漿之人為如是之用
以入于酒正之府內不可以妄為而外有可稽驗事

制曲防之意遠矣

掌酒之政令以式灋授酒材凡為公酒者亦如之

王昭禹曰酒之為物以承祭祀以供賓客以養老病
以行愛敬之情一事不可遺一禮不可闕先王由是
設官以掌之然所謂政令非特釀造供承之事芻豢
為酒非以為禍而酒之流實生禍故始乎治常卒乎
亂則酒正之掌政令亦所以謹酒也

鄭康成曰式法作酒之法式作酒既有米麴之數又

有功沽之巧月令曰乃命大酋秫稻必齊麴蘖必時

湛餽必潔水泉必香陶器必良火齊必得

○王昭禹曰式若米

麴多寡之數法若水火齊量之差

○鄭司農曰授酒材授酒人以其

材也

○賈氏曰酒材即米麴蘖○王昭禹曰凡資之以為酒者皆是也

鄭康成曰公酒謂鄉射飲酒以公事作酒者亦以式

法及酒材授之使自釀也

○王氏詳說曰鄉大夫三年則大比而興賢者能者

以禮禮賓之此鄉飲酒也黨正曰國索鬼神而祭祀則以禮屬民而飲酒于序此亦鄉飲酒也鄉大夫又曰退而以鄉射之禮詢于衆庶此鄉射飲酒也州長曰春秋以禮會民而射于州序此亦鄉射飲酒也故

所用之酒為公酒若夫族師所長初無飲酒之禮春秋祭醕相為酬酢其非公酒歟○史氏曰自王及后世子之用與凡所以為祭祀賓客鄉射燕享之奉者皆曰公酒

陳及之曰三代無權酒法酒誥禁羣飲息鬪爭甚嚴今酒正酒官不掌禁酒至地官司覲禁飲食于市者秋官有萍氏掌幾酒謹酒蓋先王所以為酒者為祭祀賓客設也自酒正之外官府不得私醞每歲給其秩酒惟鄉遂官長有鄉射飲酒之禮則釀未可知矣然酒正內官也以下又皆奄人女奚為之勢不可以

呵禁外事而萍氏刑官之屬司諷市官之屬俾之謹
察酒禁則順矣後世專立酒官務在權酤恐齊民奪
其利故禁察酒亦有職先王無此意也

辨五齊之名一曰泛

芳釀反

齊二曰醞齊三曰盎

烏浪反

齊

四曰緹

音體

齊五曰沈齊

賈氏曰辨者言不自造酒直辨五齊之名但知其清
濁而已○王昭禹曰五齊用以祭祀每有祭祀其造
作必有量數故曰齊焉

鄭鍔曰太古有明水以為醴其後乃有玄酒玄酒之後又有五齊五齊之後乃有三酒至於酒則其味厚矣味之厚者先於薄味之薄者生於玄去古益遠則禮文益變然五齊雖生於玄酒而五者之中亦自有厚薄之齊自泛之醴自醴之盎自盎之緹自緹之沈非色不同也味亦不同非惟厚薄不同清濁又不同其齊不同則其名不同其名不同則不可以不辨故使酒正辨之蓋玄一變始有泛齊成而泛泛然而滓

則浮而上泛齊一變始有醴齊成而汁滓相將其體

則厚而甜醴齊一變始有盎齊成而滄滄然其味得

中

○鄭康成曰自醴以上尤濁縮酌者盎以下差清

○賈氏曰謂泛齊醴齊皆以茅泚之使可酌故司

尊彛云醴齊縮酌盎以下差清以清酒泚之過此以

不用茅故司尊彛云盎齊泚酌鄭注泚清也

往然後有緹齊其色紅赤味已是酒故名曰緹緹言

其是酒也

○史氏曰沉者上澄而下濁

禮之近人情者非其至也

此泛所以處五齊之先而沈所以處五齊之下凡此

皆用以祀神記曰玄酒在室醴醎在戶粢醎在堂澄

酒在下是謂承天之祜又曰醴酒在室醕酒在堂澄酒在下示民不淫也醎則盎爾澄則沈爾酒正辨其名然後辨三酒四漿之物因名然後有實也

辨三酒之物一曰事酒二曰昔酒三曰清酒

史氏曰三酒而辨其物者謂之形已成兼以共人飲取其能養陽能合歡也○王氏曰五齊言名三酒言物五齊以祭祭則致其義名者義之所出故也三酒以飲飲則致其實物者實之所效故也○史氏曰事

者方有事於糟漉昔者熟之而可以清者澄之而可

飲

○鄭錡曰昔之為言宿昔之意謂日久而漸清之酒也記禮曰昔猶明清與醖酒于舊醖之酒所謂

舊醖之酒者昔酒也惟其沅而久故謂之舊醖逮其後也遂有清酒其色益清明記禮所以醖酒沅于清是也醖酒盎齊也盎齊差清又以清酒沅之則知清酒之為大清矣

○王氏詳說曰以

昔酒為久則知事在昔之上為近而清在昔之下為

尤久也以事為有事者之酒則昔為無事者之酒而

醖為諸臣所酢者之酒矣蓋祭祀之禮有行事者有

預陪祀而不得行事者事酒昔酒其出於此若夫司

尊彝云皆有罍諸臣之所酢蓋九獻之禮王及后皆
四而諸臣一王酢以醴后酢以盎諸臣所酢以清白
而已是不敢與王之神靈等

辨四飲之物一曰清二曰醫

於已反

三曰漿四曰醕

以支反

王昭禹曰飲於三酒為薄於五齊為厚亦人所飲者

故亦言辨其物

○史氏曰四飲酢其物者取三酒之餘加之以四飲之物而後釀焉是故

未成而曰漿已成而曰飲飲不以酒名取其為酒之貳也

○鄭鍔曰清則涕醴而

為之醴至厚而濁涕之則清而可飲醫則釀粥以為

之比於醴則少清漿則載漿之可飲者

○賈氏曰載之言載米汁

相載也

酏則稀粥之可飲者

○王氏詳說曰醫酏昏粥也但分厚薄耳

○賈

氏曰案漿人有六飲此言四者鄭注漿人云酒正不辨水涼無厚薄之齊

掌其厚薄之齊以共王之四飲三酒之饌及后世子之飲與其酒

賈氏曰自五齊以下並是酒人漿人所為故直掌其厚薄之齊

史氏曰備之三酒副之四飲而饌設之味以之共王則然耳后及世子酒飲之數未必全共而饌設之味未必全享○賈氏曰饌謂饌陳其具設之也○王氏曰后世子之飲與其酒共之而已弗為之饌○王昭禹曰此不言五齊則五齊獨用於祭祀也

凡祭祀以灋共五齊三酒以實八尊大祭三貳

音二下同

中

祭再貳小祭壹貳皆有酌數唯齊酒不貳皆有器量

易氏曰酒正初以式法授酒材及成又以式法共用

不可多不可寡也○賈氏曰五齊五尊三酒三尊故云八尊此除明水玄酒若五齊加明水三酒加玄酒此八尊為十六尊不言者舉正尊也

賈氏曰先鄭謂大祭天地中祭宗廟下祭五祀其實天地自有大祭小祭宗廟亦有次小後鄭之說皆據司服六冕差之也

鄭鍔曰祭祀之禮以神事之則用五齊以人養之則用三酒其尊有八酒正以法共之其實本以事鬼神

三酒之用不一始焉以酌獻終焉以酢諸臣貴其有
餘而不欲其悭是故大祭度用一尊則用三尊以為
副貳中祭度用一尊則用二尊以為副貳小祭度用
一尊則用一尊以為副貳祭之大則所酌者多祭之
小則所酌者寡此所以為降等皆有酌數取足而無
乏耳唯尊中所實齊酒專以事神而不以飲諸臣不
用副貳之尊器之大小量之多寡俱有一定之數蓋
五齊雖以致禮之文無實則近於偽而不誠非所以

交神明之道故雖不副貳亦皆有器量乃所以致禮之實

愚案酒之有貳謂既薦鬼神而後以鬼神之福爵羣臣所以廣神施也大祭天地用三貳謂天地之施廣而周中祭宗廟用再貳謂宗廟之設施視天地雖殺而猶廣小祭山川用一貳謂山川之施為微大抵皆是廣神之惠澤以及下記曰祭者澤之大者也上有大澤則惠必及下

共賓客之禮酒共后之致飲于賓客之禮鬯醕糟皆使其士奉之

王昭禹曰禮酒謂致享于賓客之酒饗以訓恭儉爵盈而不敢飲為禮而已

史氏曰后之賓客公卿之妻燕見而飲也○王氏曰建國則王立朝后立市祭祀則王耕以供粢盛后蠶以為祭服王獻而后亞裸王親牽射牲后親徹豆籩賓客則亦王裸獻而后亞獻則王致酒后致飲夫婦

相成之義也

鄭錡曰醫與酏則必糟而不泔蓋泔則清而不濁糟則濁而不清后與王同體故所用之物不無少屈也
○易氏曰酒正以奉王也不以奉王之職奉賓客故使其士○鄭康成曰士謂酒人漿人奄士

凡王之燕飲酒共其計酒正奉之

易氏曰燕朝之暇王所與飲酒或與同姓之伯父叔父或異姓之伯舅叔舅或公卿大夫之貴而親也○

王昭禹曰饗以訓恭儉燕以共其多寡之計

○黃氏曰燕賓

客有常禮故共其計左傳曰臣侍君燕過三爵非禮也三爵獻酬酢也酒正奉之察其過也

○鄭

錡曰說者謂王者之尊不可拘以有司之法制今既奉其多少之計何也蓋至尊之酒不可以常禮拘至於燕飲則不得不為之防紂為長夜之飲後至於喪六百年之業由無節之所致不參計於禮飲而奉於燕飲使王知其過多則自為之戒其慮遠矣示慈惠故燕飲酒取醉而已不若饗之為有節然當防其過

焉

凡饗士庶子饗耆老孤子皆共其酒無酌數

鄭錡曰饗禮之嚴凡設而不倚爵盈而不飲所以訓
恭儉而此言共酒無酌數何也蓋此所謂饗非大饗
也以饗士庶子之在王宮也有宿衛之忠勤或用酒
以飲之所以勞其功耆老之子孤子之父死於王事
憫其惇獨無依或用酒以飲之所以念其功其享之
也不過以醉為度示恩意之厚耳

○劉中義曰優宮
中之環衛恤死亡

之老幼必盡其量而共之

○鄭節卿曰燕羣臣嘉賓所以恩之也

享士庶子所以任之也饗者老孤子所以報之也太
拘則懽不洽賓主百拜酒止三行然所以使之醉酒
飽德也共其酒無酌數則曲盡其情而極其懽未醉
而威儀抑抑既醉而威儀怱怱矣夫外嚴於分而內
則懷之以恩生蒙其力而死恤其老幼仁之至義之
盡也

掌酒之賜頒皆有灋以行之凡有秩酒者以書契授之

易氏曰賜即賜予頒即匪頒皆出於祿秩之外法即太宰九式之法皆以其式法行之則好賜匪頒雖王者非常之恩亦無非天下之常法○鄭司農曰有秩酒者給事中予之酒秩常也常受酒者國語曰至于今秩之○王氏曰秩酒有常賜之酒也鄭氏以王制九十日有秩謂有秩酒者老臣也老臣固有秩酒然有秩酒則非特老臣而已授以書者使知其所得之數授以契者使執之以取酒也

史氏曰賜頒者時有所予之橫賜秩酒者月有所給之定數也

劉執中曰酒雖出於酒人莫不關於酒正也

酒正之出日入其成月入其要小宰聽之

鄭康成曰出謂授酒材及用酒之多少受用酒者日言其計於酒正酒正月盡言於小宰○賈氏曰受用酒是酒人也

愚案一酒至微尤不少置非是督責之察要之一

事廢則一職廢今日之不治他日必有不勝治之
嘆故日入其成月入其要經特於酒正見之意者
三百六十之職無時不然

王氏曰特謹其出異於其餘物筵酒之意也必小宰
聽之則守出納之正而正其不如法者

歲終則會唯王及后之飲酒不會以酒式誅賞

易氏曰日入其成計一日之出月入其要計一月之
出小宰聽之計所出而已未計夫入焉至於歲終然

後小宰以所入之要而致於大宰大宰乃以初授式法之多寡而會一歲之所共所用蓋將以酒式而行誅賞也

愚案不會者非直縱之飲也王燕飲而必共其計曷嘗不計之有司嚴奉酒之吏乃所以默制人主也

劉執中曰國之儲貳政之本原未可以酒亂其性焉聖人謹微如此

鄭錡曰酒正掌酒之政令其始以式法授酒材彼違式而酒惡不可以無誅如式而酒美又烏得而不賞故曰以酒式誅賞

酒人奄十人女酒三十人奚三百人

王氏曰鄭氏以奄為精氣閉藏者蓋民之有是疾先王因擇而用焉與遽篠蒙繆戚施直鑄聾聵司火瞽矇脩聲同若以為刑人則國君不近況於王乎若刑無罪之人而任之則宜先王之所不忍

賈氏曰以其與女酒及奚同職故用奄人奄不稱士亦府史之類

鄭康成曰女酒女奴曉酒者古者從坐男女没入縣官為奴其少才智以為奚今之侍史官婢或曰奚宦女○賈氏曰言女酒三十人則女酒與奚為什長若胥徒也奚三百人以其造酒故多也

掌為五齊三酒祭祀則共奉之以役世婦

史氏曰五齊三酒酒正授式法酒材為者酒人醞釀

之也

鄭鎬曰周禮有兩世婦一在春官以卿一人為之一
乃天宮內宰世婦與九嬪為列者也先儒以此世婦
謂宮卿之官掌女宮之宿戒者殊不知內宰之世婦
於祭祀之時當蒞陳其具酒人乃奄人也奄人固宜
與內人聯事則其聽世婦役也宜矣安可以為春官
之卿也○史氏曰酒非常用必祭祀之餘因以為飲
周公誥康叔曰祀茲酒則祭祀方用酒明矣越庶國

飲惟祀德將無醉則因祭祀而為飲亦明矣有奄十
人女酒三十人奚三百人其奉酒於內則受世婦之
役而世婦亦惟祭祀用之而已

共賓客之禮酒飲酒而奉之

王氏曰饗酒為禮而已故謂之禮酒燕以示慈惠故

燕酒謂之飲酒

○史氏曰禮酒飲酒多寡異也夫一獻之禮賓主百拜而酒三行所以防

其多而失禮也既飲食之又實幣帛以將其厚意所以致其多而盡歡也 ○王昭禹曰非

特供其酒又奉其事 ○黃氏曰酒漿鬯醢皆內事宗

廟之祭祀賓客之饗食王后行禮於此世婦詔之酒正不與故酒人共酒而奉之直致內事鄭言酒正使之非也詩曰我姑酌彼金罍我姑酌彼兕觥后夫人之職也

凡事共酒而入于酒府凡祭祀共酒以往賓客之陳酒亦如之

鄭鍔曰凡事則不一事也皆共其酒則酒之用亦不一矣酒之用不一則其費也廣酒正既共其酒必以

數入於酒正之府若酒人不入其數則酒正何以日
入其成月入其要哉入與凡獻征入于玉府皮毛筋
骨入于玉府之入同○鄭康成曰凡祭祀小祭祀也
○王氏曰祭祀共酒以往則自有奉之者徃待其令
而已○鄭錡曰祭祀共酒以往不必自徃宮中祭祀
聽世婦之役在外之祭祀不必自徃賓客之來王國
有歸饗餼之酒所謂上公壺四十皆陳侯伯三十有
二皆陳是也陳則設之於堂東自有掌客徃焉酒人

奄者也不當從事於其間

○黃氏曰外祭祀賓客陳酒皆共酒以往酒正使其

士奉之

漿人奄五人女漿十有五人奚百有五十人

王昭禹曰酒漿皆人所飲有酒人又有漿人者蓋其造釀異法故異職也○鄭康成曰女漿女奴曉漿者愚案酒漿邊醢醢鹽幕等人皆以奄為之以此等人只可給役使不可使入王之燕寢

掌共王之六飲水漿醴涼醫酏入于酒府

史氏曰酒正言四飲而此云共王之六飲蓋酒正辨其清濁醇醕六飲之中唯水為清冷所以和酒涼為寒粥所以授酒隨汲而有隨取而辨厚薄之齊不必辨所以不言○鄭鍔曰飢食而渴飲人道之常飲以水為主其水豈可以常飲哉用米以將之於是而有漿漢人謂之載將言其米汁相載也自漿而為醴則稍厚而可飲自醴而為涼則又雜糗飯之水以為飲也曰醫則釀粥為醴也曰酏則薄粥也酒正有清而

無醴此有醴而無清清與醴一物也醴之厚泝之則清也○王氏詳說曰醴有清有糟清泝也糟醇也以可飲言之則曰醴以泝之清言之則曰清醴恬可飲故五齊六飲皆有醴楚元王為穆生設醴即此也○薛氏曰內則有醴清糟醅漿醴濫而無水涼醫玉藻有水漿酒醴醅而無涼醫者清醴之泝也糟醴之濁也醅內則所謂醅也醴內則所謂黍醴也醫內則所謂醴也涼內則所謂濫也水涼之末非酒正之所辨故

內則無水涼亦以其略而薄之也漿人六飲始水玉藻五飲亦上水反其本也酒在飲中非用漿人之法故漿人六飲無酒玉藻五飲有酒異代之禮古者於五飲六飲醴為多○王昭禹曰酒以用於祭祀為主若漿則主於飲而已故漿人但言共六飲而未嘗及祭祀○鄭鍔曰必入于酒府者以共王之飲則酒正職當共奉之故耳

共賓客之稍禮共夫人致飲于賓客之禮清醴醫酏糟

而奉之

黃氏曰飲常頒也以共賓客謂之稍禮常日稍用之
非必備六飲禮飲后夫人致稍禮漿人共不由酒府
繼粟繼食之義○賈氏曰夫人謂三夫人致飲于賓
客助王養賓亦致于客館清醴醴之沛者即酒正一
曰清也醫酺不沛者此二飲與后同而奉之者亦使
漿人奄士奉之○王氏曰夫人有致飲于賓客之禮
則猶冢宰之有好賜予也蓋上下內外小大相成焉

禮之所以立也○鄭氏曰亦酒正使之也

○賈氏曰以酒正云

使其士奉之者也

愚案或疑后之所致有醫有醕夫人所致於醫醕之外又有醕后所致者糟而奉之至夫人所奉於醕則清之於醫醕則糟之則夫人所致若有加於后何也不思后之致飲共於酒正之府者在所不必言特醫醕糟皆使其士奉之士者康成謂酒人漿人奄士若夫人致飲不可以供后之職奉之凡

清之為醴濁之為醫醢糟惟漿人得而奉之矣貴賤之等不待辨而可知

凡飲共之

王昭禹曰膳夫言凡王之饋飲用六清則上文共王之六飲者乃饋食所共也此言凡飲共之非必饋食

○黃氏曰凡飲自后而下

凌人下士二人府二人史二人胥八人徒八十人

鄭康成曰凌冰室也詩云二之日鑿冰沖沖三之日

納于凌陰

愚案冰既是飲食中用故次酒正

薛平仲曰凌人以掌冰為職於酒漿無關也特屬於酒漿之末蓋酒所以奉陽冰之用所以禦陽也一身之血氣常流於天地間陰陽節宣之不至則未有不致戾者豈足以與天地同流哉觀凌人之屬於酒漿之末則太宰佐王之道密矣

掌冰正歲十有二月令斬冰三其凌

鄭節卿曰周雖改正朔每用夏正故凌人之職正歲
十有二月令斬冰夏頒冰掌事秋刷皆夏月也如詩
七月流火九月授衣每書月者皆夏正若周正則不
書月一之日二之日是也○賈氏曰周十二月冰未
堅也詩曰二之日鑿冰沖沖三之日納于凌陰二之
日謂周之二月夏之十二月三之日謂周之三月夏
之正月與此周禮十二月藏冰校遲一月者豳地寒故
納冰可用夏正月也

王昭禹曰斬取以建丑之月納藏以建寅之月蓋陰
積而為冬建丑之月陰雖已退而其氣猶盛陽雖已
萌而其氣未浮陰氣有餘而強陽氣不足而弱斬而
藏之所以宣助陽氣○鄭鍔曰冰不堅厚則不可取
欲取諸冰厚腹堅之時故記則謂之伐詩則謂之鑿
此則謂之斬○杜氏曰三其凌三倍其冰○鄭康成
為消釋度也○三為冰室以待亥子丑三月之用蓋
天時不可預必有冬而無冰者凡亥子丑三月之間
皆可藏冰故三
其凌以待之

李景齊曰藏冰將以備暑亦所以達陽出冰雖以禦暑亦所以助陰蓋陰陽之氣流行乎天地間一氣不至則閉塞而為災一氣或過則乖戾而為疾善防患者養其弱而抗其強故方陰之盛而陽之微則鑿冰以達陽或損有餘以補不足故方陽之隆而陰之消則出冰以禦暑聖人所以裁成天地之道輔相天地之宜以此也
幽詩言王業所致之由而必有及於鑿冰冲冲申豐言陰陽之和而無水旱疫癘之災者亦

推其本於鑿冰出冰之得其道凌人一職豈非若緩而實急乎

春始治鑑

胡暫反

凡外內饗之膳羞鑑焉凡酒漿之酒醴

亦如之

賈氏曰春謂正月也○鄭康成曰鑑如甌大口以盛冰置食物於中以禦溫氣春而始治之為二月將獻羔而啓冰○鄭鍔曰春分奎星朝見東方蟄蟲始出時將用冰始修飾盛冰之器以鑑名之者左傳曰美

澤可以鑑謂其光澤也

賈氏曰外內饗之膳羞謂王及后世子并饗耆老孤子等二月之後皆須鑑以盛冰○鄭康成曰酒漿酒

人漿人

○賈氏曰酒人舉酒而言漿人舉醴而言

酒醴見溫氣亦失味○

王昭禹曰膳羞感暑氣則易敗酒醴感暑氣則易酸必共冰以寒之也

祭祀共冰鑑賓客共冰

賈氏曰祭祀謂天地宗廟社稷之事皆共冰冰有鑑

則冰不消釋食得停久賓客謂諸侯來朝王禮之以
飧及饗餼直共冰以往無鑑也

大喪共夷槃冰

鄭康成曰夷之言尸也實冰於夷槃中置之尸床之
下所以寒尸○王昭禹曰死必臭腐故用冰以寒之
夷之言傷也冰槃曰夷槃移尸於堂曰夷堂床曰夷
床衾曰夷衾皆以哀傷為主

夏頒冰掌事

賈氏曰頒冰頒賜羣臣也掌事主賜冰之多少合得與不合得之事○王昭禹曰陽氣過盛無以制之非徒有煩縟之患陰陽不和反傷人之形而疾癘作故夏之痒疥以陽氣傷於皮膚故也秋之瘧寒以夏陽之傷於腑臟故也先王至是而頒冰者所以禦暑患也○薛氏曰鄭氏引春秋傳日在北陸而藏冰西陸朝覲而出之以為夏頒冰之證非也案左氏傳昭四年大雨雹季氏問申豐曰雹可禦乎對曰古者日在

北陸而藏冰西陸朝覲而出之祭寒而藏之獻羔而
啓之公始用之火出而畢賦自命夫命婦至於老疾
無不受冰杜預以西陸為三月日在大梁之次清明
節穀雨中是夏三月是時蟄蟲已出有溫暑臭穢宜
當用冰故以時出之後鄭泥於夏頒冰之言乃以西
陸為四月立夏之時又引夏頒冰以為說不知四月
立夏則日在實沈之次轉而行南陸何以謂之西陸
朝覲不然則左氏何以又曰火出而畢賦火出於辰

即夏之三月也若出次必待四月立夏之時則何三月火出而畢賦乎鄭氏之說吾無取焉意者日在西陸火出於辰在夏為二月是時方出冰夏則取而頒之耳頒非出也若必日在西陸暑氣盛而後頒冰非特不知頒冰之制亦不知西陸日行之度

秋刷

鄭司農曰刷除冰室當更納新冰也

周禮訂義卷八

謹案第七頁後一行六府五行以相尅為序刊本

尅訛就今改

第十頁後七行不貴急攻刊本不訛必今改

第十一頁後二行可以意識刊本識訛職今改

第十二頁前五行又有胃膀胱大小腸刊本胃訛

謂今改


第二十一頁前七行常卒乎亂刊本亂上衍治字

今刪

第三十六頁後六行玉藻有水漿酒醴酖刊本脫酖

字據玉藻增





覆校官庶吉士臣茅元銘

校對官檢討臣季學錦

膳錄舉人臣洪道濟

欽定四庫全書薈要

經部
周禮訂義卷十九

臣紀昀詳校

詳校官編修臣程嘉謨



欽定四庫全書薈要卷一千九百五

經部

周禮訂義卷九

宋 王與之 撰

籩人奄一人女籩十人奚二十人

鄭康成曰籩竹器如豆者女籩女奴之曉籩者

薛平仲曰此數官者又以備膳夫之羞用百有二十

品醬用百有二十壘者也反覆求之則知周官叙次之意大抵官府之近於君者固莫密於供奉之職而官女之密於君者尤莫切於供奉之職然庖厨之當

遠君子必處於外而酒醴之蠲潔籩豆之靜嘉古人
當責於內處於外者固宜以命士爲職責於內者亦
宜以奄官女奚爲職然外而官府敬君爲有素先言
共王而後言祭祀之用所以責其敬而已內而內人
朝夕王所者也先言祭祀而後言共王之用所以養
其敬也況籩豆之實水土之品不敢用常褻味而貴
多品則纖悉委曲之誠潔靜精微之意使在內者各
有事焉凡便嬖側媚之習不惟不敢且不暇矣○王

昭禹曰先王祭祀內盡志以致其內心外盡物以致其外心水草之殖陸產之醢細物備矣三牲之俎八簋之實美物備矣昆蟲之異草木之實陰陽之物備矣凡天之所生地之所產而可薦者莫不咸在一物不可遺則一器不可闕籩豆簋俎禮之器也籩豆之事各有司存此籩人醢人之職所以立

掌四籩之實

鄭康成曰籩其容實皆四升○史氏曰籩以竹為之

所以陳乾物○賈氏曰四籩則朝事饋食加籩羞籩是已四籩之實則饔黃白黑糗餌粉飧是也

朝事之籩其實饔

方弓反

黃

符文反

白黑形鹽臠

火具反

鮑魚

鰠

所求反

鄭康成曰以司尊彝之職參之朝事謂祭宗廟薦血腥之事也

鄭鍔曰宗廟祭祀有朝踐之事所以象事生朝時之所進當其祭之始也王酌鬱鬯裸尸后亞獻於是乎

王出迎牲而殺之始行朝踐之事則后薦朝事之籩

其籩中所實之物則曰粢曰蕡曰白黑曰形鹽曰膾

鮑魚鱠也粢熬麥也

○鄭康成曰蕡稷實也

熬稻而白之熬黍

而黑之鹽則築以為虎之形魚則腍大臠以為膾

史氏

曰腍肉為大臠

或糗乾以為鮑或折乾以為鱠

○王氏曰王使周公闕來

聘魯享有昌歜白黑形鹽辭曰國君文足昭也武可畏也則有備物之享以象其德羞嘉穀鹽虎形粢責白黑則所謂羞嘉穀也形鹽則所謂鹽虎形也昌本則所謂昌歜也推類而言則膾鮑魚鱠與夫既事之享皆所謂致其養之盛者也孝子之事親欲致其養養欲致其盛故朝事之籩豆其實如此

王昭禹曰鼎俎奇而籩豆偶陰陽之義也蓋籩豆之
實物產之雜也其數宜偶故朝事之籩其實粢黃而
下凡八物矣加籩之實菱芡棗脯皆偶也

饋食之籩其實棗棗

古栗字

桃乾榛

音榛

倒中反

實

王氏曰饋食之籩豆以象食時所進○鄭康成曰乾

榛乾梅也有桃諸梅諸是其乾者榛似棗而小

○賈氏曰

八籩則棗一棗二桃三乾榛四榛五案乾榛為乾梅
則籩中桃是濕桃既有濕桃則別有乾桃注引內則
桃諸云是其乾者既有濕桃則有濕梅可知以乾梅
濕梅添五者是為七籩既桃梅有乾濕則棗亦宜有

乾濕復取一添前為八必知有八者案儀禮特牲少牢士二邊二豆大夫四邊四豆諸侯宜六天子宜八醢人饋食之豆有八此朝事加邊皆八也○王氏曰桃乾榛脾折豚拍羸盧蜃蜆及魚皆物之細者也棗桌榛實女所用摯以告虔也凡此所謂備其細且致其敬孝子之事親致其養者既盛矣以為未足又備其細既備其物以為是養而已弗敬不足以為孝則又致其敬故饋食之邊豆其實如此○鄭鐸曰攷女摯不過榛桌棗脩以喻婦人誠實無偽則饋食之邊所食者皆致禮之實

總論九獻

陳蘊之曰九獻注疏已有成說但雜見於籩人司尊

彝與其他官職今取注疏及禮圖之說類聚為四蓋別而言之謂之九獻合而言之則有四節其一節曰裸凡經中所謂裸者是也王以圭瓚酌鬱鬯以獻尸此一獻也后以璋瓚酌鬱鬯以獻尸此二獻也其二節曰薦腥籩人所謂朝事司尊彝所謂朝踐是也后既裸之後王出迎牲于門祝延尸向戶外戶牖之間南面后於是薦朝事之籩豆王迎牲入廟麗于碑親殺取血以告殺取毛以告純解而腥之為七體薦于

神坐王以玉爵酌醴齊以獻尸此三獻也后以玉爵酌醴齊以獻尸此四獻也其三節曰薦熟籩人所謂饋食司尊彝所謂饋獻是也朝踐之後乃體解其犬豕牛羊烹而熟之后於是薦饋食之籩豆王以玉爵酌盞齊以獻尸此五獻也后以玉爵酌盞齊以獻尸此六獻也其四節曰醕自饋食之後尸始有飲食之禮尸食訖後又薦加籩豆王以玉爵酌朝踐之醴齊以醕尸此七獻也后以瑤爵酌饋食之盞齊以醕尸

此八獻也。后醑尸，後諸臣又以瑤爵酌齊獻尸。司尊
彝所謂皆有壘，諸臣之所酢者，以備卒食之三獻。此
九獻也。以上九獻，謂之正獻。九獻之後，遂行玉爵爲
旅酬矣。鄭氏又有朝獻再獻之說，及圖說九獻異於
注疏，並於司尊彝見之。

加籩之實菱

音陵

焚音儉

桌脯菱焚桌脯

薛氏曰：周禮言加豆籩，則加爵之豆籩，特牲禮主人
主婦既醑尸，然後長兄弟衆賓長爲加爵，不施於亞。

獻之節鄭氏謂尸既食后亞獻尸所加之籩設矣明
堂位曰爵用玉琖仍雕加以璧散璧角特牲禮獻用
爵加用觚則加在獻數之外明矣○王氏曰加籩豆
以象饋食之有加

鄭康成曰菱芰也芰雞頭也桌與饋食同重言之者
以四物為八籩也○鄭鍔曰菱芰之類皆生於水以
類推之則取物之深遠者所以致其物之難得也

王氏詳說曰桌嘉桌也醢美味也故桌為饋食之籩

亦為加籩之實醢為朝事之豆亦為加豆之實詩云
醢醢以薦其周人之尚醢歟語曰周人以臠其周人
之尚臠歟

羞籩之實糗餌

而去反

粉餐

昨資反

鄭康成曰羞籩謂若少牢主人酬尸宰夫羞房中之
羞于尸侑主人主婦皆右之者

○賈氏曰天子祭祀禮亡故取少牢大夫

禮解之此當主酬尸內
饗進之于尸侑等者也

王氏曰羞籩豆則象其養之有羞也○鄭康成曰此

二物皆粉稻米黍米所為也合蒸曰餌餅之曰糗
者擣粉熬大豆為餌糗之粘着以粉之耳餌言糗糗

言粉互相足

○賈氏曰此為二邊糗與粉為一物恐餌糗粘着邊故分于二邊之下○劉執

中曰杭糯黍秫或餌或糗○鄭鍔曰曰
糗曰餌曰粉曰糗亦以四物而為八邊

王氏曰糗餌粉糗食糗食出於耕耨而用春治之
力為多非若菹醢之薦可以久所以服其勤而致新
也

黃氏曰四邊以司尊彝互考之屬薦腥薦熟為兩節

王行禮則加籩羞籩當為后亞獻行禮故謂之加與羞皆用臠脯餌飧

凡祭祀共其籩薦羞之實

賈氏曰祭祀言凡謂四時禘祫祭○鄭鶚曰四籩皆王后所薦籩人則實之耳其他祭祀則共籩中可薦可羞之物不共其籩有司自掌其器也○王昭禹曰薦羞皆進也薦羞則所進之物薄羞籩則致滋味焉

○愚案宰夫庖人又有薦羞說

喪事及賓客之事共其薦籩羞籩

鄭康成曰喪事謂殷奠時

○賈氏曰殷大也大奠朔月月半薦新祖奠遣奠之

類賓客謂

燕享時也

王昭禹曰喪事賓客之事皆王之事籩人共其實亦共其籩

為王及后世子共其內羞凡籩事掌之

鄭康成曰於其飲食以共房中之羞○王氏曰籩人醯人皆曰為王及后世子共其內羞則此內羞乃王

及后世子以此共禮事而籩人醯人為之共之也世婦及祭之日涖陳女官之具凡內羞之物則內羞所共為祭事矣○鄭鍔曰籩人奄官所以為王及后世子共之其職主籩又在內也○王昭禹曰曾子曰籩豆之事則有司存守其數不知其義也籩豆之為禮皆王之所親行籩豆之為器則掌於奄人女奚之屬所謂本在上末在下也

醯

呼改反

人奄一人女醯二十人奚四十人

王昭禹曰四豆之實皆醯而已故以醯人名官○鄭
鍔曰或謂籩豆者禮之器用籩以盛果實必用豆以
盛菹醢既列籩人宜有豆人不設豆人而有醯人何
也蓋醢必盛於豆而豆人所盛者不一物言醢則豆
可知○鄭康成曰女醢女奴曉醢者

掌四豆之實

禮圖曰案考工記旒人為豆高一尺又鄭注周禮及
禮記云豆以木為之受四升口圓徑尺二寸有蓋盛

昌本脾析豚拍之醢醢羸兔鴈之醢韭菁芹筍之菹
麋麋鹿齍之屬鄭注鄉射說云豆宜濡物○賈氏曰
言四豆之實豆與籩並設節數與四邊同時

朝事之豆其實韭

音反菹

莊魚反

醢

吐感反

醢昌本麋齍

乃兮反

菁

惟寧反

菹鹿齍茆

音反

菹麋齍

鄭康成曰凡菹醢皆以氣味相成

○史氏曰凡以一物為醬必有一菜

以稱之取其味之相宜也

○賈氏曰經云韭菹醢醢以下皆兩兩

相配○鄭鍔曰韭也昌本也菁也茆也四物以為菹

醢也麋也鹿也麋也四物以為醢醢亦謂之齏蓋同
一法有骨為齏無骨為醢如全物為菹細切為醢名
不同也○鄭康成曰三齏亦醢也作醢及齏者必先
膊乾其肉乃後倉臥切之雜以梁麴及鹽漬以美酒
塗置甌中百日則成矣

王昭禹曰詩云四之日其蚤獻羔祭韭以此薦新則
韭亦祭之所貴醢醢以肉汁為醬○鄭康成曰昌本
昌蒲根切之四寸為菹

鄭司農曰麋藟麋肝髓醢○史氏曰麋似鹿而大○
鄭康成曰菁蔓菁也茆鳧葵也

劉執中曰四時之田一為乾豆共於豆實則醢之脯
醢之餘則藟之皆所以奉祭祀

饋食之豆其實葵菹羸力禾反醢脾婢支反析星歷反麋蒲佳反

醢蜃市軫反蜃醢豚拍音博魚醢

王昭禹曰葵草之細出者傾心向日則有敬意○鄭

康成曰羸蜃音移蜃音榆○史氏曰羸麋蜃蜃皆蛤屬

鄭司農曰脾析牛百葉麤蛤也○鄭康成曰麤大蛤

蚺蚺

魚綺反

子

○賈氏曰脾析麤豚拍不言菹皆薑也

鄭大夫杜子春皆

以拍為膊謂脅也或曰豚拍肩今河間名豚脅聲如

鍛鑄

○王昭禹曰豚拍則拍豚而為之也

鄭鍔曰葵也脾析也麤也豚拍也四物以為菹麤也蚺也魚也四物以為醢

加豆之實芹

音勃

菹兔醢深蒲醢醢落

音迨

菹鴈醢筍

息尹反

菹魚醢

鄭康成曰芹楚葵深蒲蒲始生水中子

○史氏曰片與深蒲

皆水產深蒲

必深水所出

落箭萌荀竹萌

○賈氏曰箭一名篠荀一名篠萌謂新生者見

今皆為菹○史氏

曰落與荀皆陸產

史氏曰兔醢出於陸故以水產配之魚鴈出於水故

以陸產配之

羞豆之實醢食

音糝素感
嗣反食

鄭康成曰醢饗

之然反

內則曰取稻米舉糝

思柳反

漚

柳所

反

之小切狼臠

昌蜀切

膏以與稻米為饗

○賈氏曰醢
粥也先鄭以

酒醅為餅若今起膠餅文無所出故後鄭不從
內則有饗無醅周禮有醅無饗故知醅饗一也
內則

曰糝取牛羊豕之肉三如一小切之與稻米稻米二

肉一合以為餌煎之

○史氏曰食者皆取稻麥為之醅者以酒醅發之糝者以肉屑

之和之

鄭鍔曰凡此四豆菹之與醢氣味相宜同為一豆若
夫醢醢則朝事之豆於菹菹用之加豆則於深蒲又
用之魚醢於饋食之豆用之於加豆則又用之蓋一
氣與味苟可以相成不嫌於再薦也

凡祭祀共薦羞之豆實賓客喪紀亦如之為王及后世子共其內羞

賈氏曰此一節與籩人同已釋於上

王舉則共醢六十甕以五齊

子西反

七醢七菹三醢實之

賈氏曰王舉謂王日一舉鼎十有二則醢人共醢六

十甕以醢為主其實有五齊七菹等○禮圖曰甕以

盛醢醢高一尺受二升今以黍寸之尺計之口徑六

寸五分腹徑九寸五分底徑六寸五分离一尺腹下

漸殺六寸

鄭康成曰齊當為齏五齏昌本脾析蜃豚拍深蒲也

七醢醢羸羸蜺魚兔鴈醢七菹韭菁茆葵芹落筍菹

三醢麋鹿麋鷄也凡醢醬所和細切為齏全物若臠

直輒反為菹少儀曰麋鹿為菹野豕為軒皆臠而不切

膚為辟雞兔為宛脾則臠而切之切葱若薤實之醢

以柔之由此言之齏菹之稱菜肉通○王氏詳說曰

鄭氏於少儀釋之曰皆菹類是菹兼肉菜而言今言

七菹皆菜類言醢則通肉菜而為言豈非成周之禮有異於記禮歟

鄭鏐曰合是數者以實六十壘事至尊之禮無所不致其敬也

賓客之禮共醢五十壘凡事共醢

賈氏曰賓客謂五等諸侯來朝天子致饗餼與之醢也案掌客云禮上公醢醢百有二十壘侯伯百壘子男八十壘此共醢五十壘合醢人所共醢五十壘共

為百饗此指侯伯而言舉中以見上下

王昭禹曰非特祭祀賓客喪紀之事而已凡邦事有用醢者皆共之

史氏曰物以乾養氣以濕養血籩實必乾豆實必濕濕則滋味具而血榮也故養人之血氣者豆實為重觀鄉飲酒之禮為養老設也六十者三豆七十者四豆八十者五豆九十者六豆不言籩者所主在濕味也王者養老袒而割牲執醬而饋醬亦醢也其豆之

實也醯人之設王者豈私其口腹乎

醯人奄二人女醯二十人奚四十人

王氏曰醯以酸為尚然五齊七菹皆醯物也醯人職之矣醯人復共醯何邪蓋天下之味不過於禽獸魚蜃之屬其肉登俎則腐敗隨之不以鹽醯之其能久乎鹽曰鹹醎故醯之味專於鹹鹹非酸不能收故醯不可以無醯此醯人之職所以設而醯之為用亦不過乎菹醯之間○鄭康成曰女醯女奴曉醯者

掌共五齊七菹凡醯物以共祭祀之齊菹凡醯醬之物

鄭康成曰齊菹醬屬醯人者皆須醯成味

○賈氏曰此則醯人

所掌豆實而在此者與醯人共掌連言醬者并豆醬亦掌也○王氏曰醯人醯人各有五齊七菹者蓋齊菹有須醬以成者九醯物則凡以醯成之物凡醯醬之物則凡以醯成之醬也五齊七菹三醢皆謂之醬

○劉執中曰祭祀燕享所用之物酒則尊罍案盛則

簠簋肉則俎薦羞則籩醢醢則豆各有定數至於醢醢鄭氏曰醢或曰豆者醢之可備禮數而特久也豆之則以和齊菹而具膳也是醢人雖備五齊七菹以

充豆實而不加之以醯則齊菹不成其味非可以為
備物故其職與醯人為聯

賓客亦如之

賈氏曰下云賓客之禮據饗餼此云賓客亦如之據
享食致之也○鄭鍔曰既言賓客亦如之又言賓客
之禮共醯五十甕蓋賓之稍禮之時所共者少而饗
餼盛禮則其數當五十此所以別言之

王舉則共齊菹醯物六十甕共后及世子之醬齊菹賓

客之禮共醯五十甔凡事共醯

賈氏曰此六十甔并醯人六十甔即膳夫所謂醬用

百有二十甔是也

○史氏曰賓客之禮殺於王故共五十甔醯人共王后世子內羞不

言齊菹此言齊菹以其與醯人共掌醯菹須醯故就醯人為言

鹽人奄二人女鹽二十人奚四十人

鄭康成曰女鹽女奴曉鹽者

掌鹽之政令以共百事之鹽

劉執中曰鹽人之政令以鹽之產所不同而用藏之

亦異也故有刮於地而得者有風其水而成者有熬其波而出者有汲於井而為者有積於鹵而結者○

史氏曰鹽之政令非獨共鹽而已凡出納煎煉之事

皆掌之

○王昭禹曰醢人醢人皆不言政令而鹽人之為物其用博其利厚異於醢醢必有政令

以治 之 百事之鹽所用非一事所和非一物

祭祀共其苦

音

鹽散鹽

賈氏曰鹽鹽今之顆鹽○鄭康成曰散鹽鬻水為鹽

○王氏曰散鹽鹽之散者蓋今末鹽是也不如顆鹽之苦又不如戍鹽之甘故不以味名之而名其體○

史氏曰洪範曰潤下作鹹散者謂鹹未鹽也池水所出鬻海所成皆出於潤下是故水入其奧風凝其華不須煎煉而自結者池井之鹽昔晉大夫以郇瑕之地沃饒而近鹽是也剡土為埴牢盆為鹵火齊以時而後成者鬻海之鹽昔東郭咸陽以治生累萬後世諸侯資其利而富埒天子是也祭祀則皆共焉

劉執中曰刮地之鹽苦而以共祭祀者取其成於自然與夫玄酒明水不異也熬波之鹽散取其治洽四海能致遠物故以奉先焉

賓客共其形鹽散鹽

劉執中曰鹽為虎形以共食啗示服猛也故以待朝

覲會同之賓客而副之散鹽者致物以懷諸侯也

王之膳羞共飴鹽后及世子亦如之

鄭鏐曰王之膳羞取其味之甜者為之所以共飴鹽

凡齊

才細反

事鬻

音煮

鹽以待戒令

鄭康成曰齊事和五味之事○劉執中曰鹽之煉者

其色黑或化而為水用以火煉治之則潔白如初而

其味和矣故以待王之齊事和品味焉

○鄭鏐曰祭祀膳羞賓客

所用調和之齊廣矣安可待事至然後求具所以先鬻鹽以待不時之須

鄭鍔曰先王於鹽只以待祭祀賓客膳羞之用初不以爲富國之資故周禮一書理財居半鹽獨無賦自管仲以後寢以爲富國之計遂至於官與民爭利豈先王之意哉

冪

莫歷反

人奄一人女冪十人奚二十人

鄭康成曰以巾覆物曰冪女冪女奴曉冪者

愚案以巾覆物者其間既有八尊六彝故亦屬酒

正

掌共中冪

賈氏曰中則下經云王巾皆黼是也冪則冪八尊之

類是也

○史氏曰中冪一也悅手悅爵者專謂之中冪可以覆物者謂之冪冪人共祭祀以覆物為

主也

祭祀以䟽布巾冪八尊以畫布巾冪六彝

賈氏曰䟽布者大功布為冪覆此八尊

○程氏曰䟽布之尚反女

功之始也布之精者多而密粗者少而䟽䟽布祭祀用之以冪尊女功之作始於粗久而後至於精故楊雄曰霧縠之組麗女功之蠹以

䟽布之尚故曰反女功之始也

○史氏曰尊之名止

六此曰八尊者案司尊彝春祠夏禴獻象皆兩之秋
嘗冬烝著壺皆兩之四時之間祀大山皆兩之是知
每祀六尊皆設而為二尊各加其一焉故謂之八尊
賈氏曰六彝者雞彝鳥彝斚彝黃彝虎彝雉彝此六
者皆盛鬱鬯以畫布冪之

○王昭禹曰先儒謂畫雲氣非是以經考之下文言

凡王中皆黼則畫布巾亦皆畫黼矣

王昭禹曰言畫則知疏布之素言疏則知畫布之密
薛氏曰鄭氏謂疏布者天地之神尚質以八尊用之

天地又謂宗廟尚文以六彝用之宗廟也蓋祭祀惟
宗廟有裸鬱人所謂凡祭祀賓客共鬱鬯以實彝而
陳之司尊彝於祠禴烝嘗間祀則裸用六彝是六彝
固用之於宗廟若夫八尊則司尊彝亦用於宗廟酒
正於大祭中祭小祭則以五齊三酒而實之八尊則
八尊固用之天地亦用之宗廟何獨曰尚天地之質
意者八尊實而不酌示其質也故以䟽布六彝用之
以裸示其文也故以畫布然司尊彝有六尊六彝此

言八尊者何也蓋司尊彝雖言六尊六彝而獨言十二尊六彝者裸用雞彝鳥彝之類是也十二尊者春祠夏禴秋嘗冬烝與夫四時之間祀追享朝享其朝踐饋食各用兩尊是也假如春祠夏禴其朝踐用兩犧尊其再獻用兩象尊則是四尊致用其餘八尊則攝而不酌耳烝嘗間祀亦然

凡王中皆黼

音甫

史氏曰非獨冪尊彝凡用帨手覆物者皆是也

○鄭
鶚曰

王之四飲三酒及籩豆俎簋之布不以䟽為尚質不以畫為尚文皆當用白黑二色繡為黼文以冪之

黼者繪以斧形而白黑半之也白黑西北乾方之色而斧又有斷制之義皆君象也唯王得以用之所以象乾之剛健斧之斷制用在於進賢退不肖也禮曰見賢不能舉舉而不能先慢也見不肖不能退退而不能遠過也慢與過則失其剛健斷制之義矣視黼中足以知戒也黼巾亦布祭祀既用布則王巾豈敢以他物為之克舜飯土塯啜鉶羹者以天地宗廟之

奉不過陶匏所用後世天地宗廟之器未之有改而王之自奉者金玉文繡也黼黻不用而龍鬚火浣進矣

宮人中士四人下士八人府二人史四人胥八人徒八十人

王昭禹曰宮官之屬有宮正宮伯而又有宮人者蓋宮正掌王宮之戒令糾禁宮伯掌王宮之士庶子凡在版者是其所掌及於宮中之官府次舍宿衛之事

而宮人之所掌則止於脩治宮寢與凡共王勞褻之事而已○易氏曰夙興夜寐洒掃庭內衛武以為荒耽之警子有庭內弗洒弗掃晉昭以不能脩正國之道朝廷內外之肅正君臣上下儆戒之機不然則王宮自奄奚以下如次舍幕幕皆掌之以下士而宮人獨中士意可見矣

薛平仲曰太宰為人君心術慮自宮正至宮伯自膳夫至膳人自酒正至冢人所以密邇於王者夫皆王

宮內人而猶未及於外也宮人掌六寢之脩而及於四方之舍事掌舍而下又皆為王之會同于國外者設焉則內外出入之際其為王躬之是保者始悉使大宰能正王宮王內之職而防慮猶未周於外則周旋於寢處次舍之間者得無有間之可乘而大宰於王眡朝則贊治眡四方之聽朝亦如之內外不容於有間也詎謂叙次官屬而申儆之容有內外之不備哉此宮人已下所以見諸此也

掌王之六寢之脩

王氏曰王朝有三寢有六陰陽之義也○鄭康成曰
六寢者路寢一小寢五玉藻曰朝辨色始入君日出
而視朝退適路寢聽政使人視大夫大夫退然後適
小寢釋服是路寢以治事小寢以時燕息焉春秋書
魯莊公薨于路寢僖公薨于小寢是人君非一寢明
矣○賈氏曰路寢制如明堂以聽政路大也人君之
所居皆曰路鄭所引者皆諸侯法天子六則諸侯
三亦路一燕一側室一內則所云是也○史氏曰餘
五小寢曰燕寢四季居四隅季夏居中央棲息之所

也

○王氏詳說曰王謂之六寢掌之者宮人后謂之六宮掌之者寺人宮人之職以中士四人爲之寺人之職以王之正內五人爲之鄭氏以正內爲路寢是已

賈氏曰守祧職其廟則有司脩除之此脩亦是掃除

也

○鄭鍔曰脩脩飾以致美也

爲其井匱

於建反

除其不蠲

圭淵反

去

起呂反

其惡臭

賈氏曰謂於宮中爲漏井以受穢又爲匱豬使四邊

流水入焉井匭二者皆所以除其不蠲潔又去其惡

臭之物

○鄭康成曰蠲猶潔也詩云吉蠲為饎○劉

酒滌故欲除其不蠲潔者去其惡臭則決渠匭以滌濯之

其王之沐浴

鄭康成曰沐浴所以自潔清

○賈氏曰宮人掌潔清之事沐浴用瀟浴用湯○

王氏詳說曰匭人云凡王之齊事共其柅匭鄭氏謂以給沐浴蓋齊日沐浴與平日之沐浴異此所以必用柅匭然共其柅匭不言沐浴者直謂共之於家人耳

凡寢中之事埽除執燭共鑪炭凡勞事

鄭康成曰勞事勞褻之事

四方之舍事亦如之

史氏曰王巡狩而適四方必有次舍其所掌亦不外是居高明遠濁穢所以養神明而清志慮也

掌舍下士四人府二人史四人徒四十人

賈氏曰自掌舍至掌次安不忘危出行之事故次於此○鄭康成曰舍行所解止之處

掌王之會同之舍設桎

步禮反

桓

戶故反

再重

直龍反

鄭鏐曰王者之居室壯麗以重天威禁衛九重以備非常諸侯四時入覲固無事於行若夫將有征討之事為壇於國門之外合諸侯以發四方之禁謂之會或十二歲不巡狩為壇於國門之外合諸侯以施四方之政謂之同當是時出而在外不可不嚴其衛故隨所舍止之處為之禁防

杜氏曰桎梏行馬○鄭康成曰行馬再重者以周衛有外內列

鄭鍔曰設以拒絕行人止其外入也設必再重又拒其內出也

賈氏曰虎賁氏舍則守王閑注云閑檜桓也則檜桓是周衛之具此檜桓所施惟據下文車宮墻宮止宿而言其帷宮無宮暫止之間未必有此檜桓也

設車宮轅門

鄭鍔曰偶所舍之地或險阻則必環車以外向仰轅以為門車有甲士可備非常轅橈而不直有門之象

○黃氏曰車宮壇壝宮皆因會同為之有兵事則為車宮所謂兵車之會今猶稱將幕為轅門

為壇壝

唯貴反

宮棘門

鄭鍔曰地或平曠則必築壇於其中壝土於其外以為宮地平故增高土曠故為防限其宮則以棘為門或云棘當為戟謂矛戟為門禮記云越棘大弓棘字與戟同

○史氏曰案左傳子都與穎考叔爭車子都拔棘逐之則知棘即戟也

○王氏

曰所以待合諸侯而命事

為帷宮設旌門

鄭鍔曰若晝日食息暫展肆焉則張帷以為宮設旌

以為門帷以蔽其外旌以表其所而已

○賈氏曰司常云會同賓

客置旌門注引此則旌門司常置之掌舍主當之若然則轅門之等皆他官置之掌舍直主當耳

無宮則共人門

鄭鍔曰非食非息偶有所遇而往遊觀則不必為宮第共長大之人以為門今之衛士是也

史氏曰帷宮無宮非舍息之時王之所在雖暫駐亦

當設備也帷宮以綵為之立旌以為門無宮以人衛之亦執干戈以司其出入

王氏曰壇壝宮棘門則為之而後成車宮轅門旌門無所為也設之而已人門則又不設也共之而已

凡舍事則掌之

鄭康成曰凡舍事王行所舍止○史氏曰凡舍皆掌者非獨時見曰會殷見曰同然後為之設舍在易之豫動卦也曰利建侯行師明行會同征伐皆非順動

也其象則曰重門擊柝以待暴客明凡動皆當謹門以備非常此掌舍所以皆立也

鄭鍔曰先王之制禁衛嚴密一有會同周防若此不敢輕其身以危社稷宗廟也自漢以來為帝王者或為微行遊畋射獵晨出夕返如漢武帝自稱平陽侯而見呵止於鄠杜令豈知先王設掌舍之意哉

幕人下士一人府二人史二人徒四十人

鄭康成曰幕帷覆上者○陳君舉曰掌舍幕人掌次

三職相須而成事者也幕人即綴衣是也

掌帷幕幄

烏學反

帝

音亦

綬

音受

之事

賈氏曰帷在傍施之象土壁也幕則帷上張之像舍屋也○鄭康成曰皆以布為之四合象宮室曰幄王

所居之帳

○賈氏曰幄則帷幕之內設之帝者在幄之內承塵

皆以繒為之○

賈氏曰綬條也○鄭康成曰凡四物者皆以綬連繫焉○王昭禹曰幕人非特掌其物又掌其事

凡朝覲會同軍旅田役祭祀共其帷幕幄帝綬

鄭康成曰共之者掌次當以張

○賈氏曰此云朝覲會同即掌次云諸侯

朝覲會同此云軍旅田役即掌次曰師田此云祭祀即掌次云大旅及朝日祀五帝此數事皆共帷幕幄

帟綬與掌次是以鄭云掌次當以張也

○史氏曰授於掌舍而以時陳設之

大喪共帷幕帟綬

鄭康成曰為賓客飾也帷以帷堂或與幕張之於庭

帟在樞上

○賈氏曰即掌次張帟三重者也○王氏曰大喪共帷幕帟綬而不共幄則王方宅

喪無事於幄以帷幕帟綬共張喪樞而已

三公及卿大夫之喪共其帟

賈氏曰此云三公不云諸侯與孤掌次云諸侯與孤不云三公者三公即是諸侯再重孤與卿大夫同不重○鄭康成曰惟士無帝王有惠則賜之檀弓曰君於士有賜幣

掌次下士四人府四人史二人徒八十人

鄭康成曰次自脩止之處○鄭鍔曰次與舍一既有掌舍又有掌次何也蓋舍者久留之辭次者暫止之義出而會同則或留之久故有掌舍以為衛出而祭

祀亦暫止而已故有掌次以為儀觀其設檜栒壇墼之制而嚴為防限則久留可知觀其設皇邸帶案之儀而多為容飾則暫止可知左氏曰再宿為信過信為次次止也言造次之所止也

掌王次之灋以待張

音帳

事

王氏詳說曰次禮亦用之於諸侯用之於尸用之於耦然必言掌王次之法者禮樂自天子出耳○鄭康

成曰法大小丈尺也

○史氏曰廣狹多寡之制度○易氏曰法者大宰九式之法夫

次舍帷幕其事雖微居尊所臨其體實重故大旅上帝與朝日祀五帝實不外乎祭祀之式合諸侯與朝覲會同實不外乎賓客之式凡師田喪紀與邦事莫不皆有式大宰以此授之掌次以此行之凡聯事於掌舍幕人亦然以此見無動而不謹於法也

賈氏曰待張事者王出則幕人以帷與幕等送至停

所掌次張之

○史氏曰張事設陳之役也

王大旅上帝則張氈案設皇邸

當體反

王氏詳說曰天神曰祀祀之者又非一而足以所告之事言之則為類類於上帝是已以所達之氣言之

則為禋克禋克祀是也以非常之禮言之則為旅大
旅上帝是已以備物之禮言之則為饗享帝于郊是
也旅之名又不一而獻旅上帝謂之旅旅五帝亦謂
之旅旅泰山亦謂之旅旅四望亦謂之旅

○王昭禹曰有故而

祭祀謂之旅大宗伯國有故而旅上帝及四望則大
旅以有大故而會衆神而祭也旅之為言衆也陳也會
衆神而陳其所遭之故而前輩疑此祀帝而不及地
何也蓋天地當合祭初無員丘方澤之異如詩昊天
有成命郊祀天地也○陳氏曰禮器曰一獻之禮不
足以大旅大旅具矣不足以饗帝是以大旅之禮又
不若祀天

鄭康成曰張氈案以氈為床於幄中○鄭司農曰皇

羽覆上邸後版也

○鄭康成曰後版屏風與染羽象鳳皇羽色以為之

○史氏

曰張氈于床以禦寒也設版於屏以障風也○鄭鍔

曰張氈為案設皇於邸氈之為物無經無緯則不尚

乎文非織非紵則無事於功皇之為物五色俱備則

其體有文中律呂音則其聲有度案者王所託用氈

以張之見其內之所憑依者皆本純質以為體邸用

皇羽以覆之見其外之所表見者又用文彩以為儀

內質而外文格上帝之道莫過乎是

易氏曰張氈案設皇邸而無大次小次者祀天之禮

主乎敬王者不敢自安也

○劉執中曰王當宿齋候郊故張氈案設皇邸言張

氈案則幄次帷宮

車不言自備矣

朝

直遙反

日祀五帝則張大次小次設重

直龍反

帟重案合

諸侯亦如之

鄭康成曰朝日春分拜日於東門之外祀五帝於四

郊○鄭司農曰五帝五色之帝

○愚案五帝詳見小宗伯

○劉執

中曰朝日於東郊迎四時之氣則祀其帝於郊王不宿于外故張大次以候止息小次以候行禮○鄭康成曰次謂幄大幄初往所止居也小幄既接祭退俟之處祭義曰周人祭日以朝及闇雖有強力孰能支之是以退俟與諸臣代有事焉合諸侯於壇王亦以時休息○賈氏曰重帟謂於幄中設承塵案則床也謂床上設重席案司几筵繅席次席三重此亦當有三重與重帟不同幄在幕中既有幄明有帷幕可知

不言氈及皇邸亦有可知○史氏曰諸侯合而助祭亦以是待之

師田則張幕設重幣重案

賈氏曰師田謂出師征伐及田獵○王昭禹曰田則追逐禽獸馳驅於山野之中無所用次焉○鄭康成曰不張幄者於是臨誓衆王或回顧占察

諸侯朝覲會同則張大次小次

賈氏曰與諸侯張之也若四時常朝在國內今言朝

覲會同為會同而來故在國外與大宰大朝覲會同
一也○鄭康成曰大次亦初往所止居小次即宮待
事之處○賈氏曰初往止居者宮外也即宮者應是
宮內言宮即司儀注云宮方三百步墮土為
之是也

師田則張幕設案

鄭康成曰此掌次張之諸侯從王而師田者

○賈氏曰不言

重則無重席亦應
有單席於牀也

○王氏詳說曰王有師田諸侯亦

有師田孤卿則為內諸侯

孤卿有邦事則張幕設案

史氏曰三孤六卿以公事出境亦張幕設案所以尊

王命

○鄭康成曰不言公公如諸侯禮從王祭祀合諸侯張大次小次師田亦張幕設案

○劉

執中曰孤卿將受王命出使于四方張幕於庭所以藉幣設案為位王立於前而授之命焉

凡喪王則張帟三重諸侯再重孤卿大夫不重

鄭康成曰張帟樞上承塵○劉執中曰諸侯再謂朝覲會同而卒者所以優賓故不用幕人之共者

凡祭祀張其旅幕張尸次

鄭康成曰旅衆也公卿以下即位所祭祀之門外以

待事為之張大幕

○賈氏曰助祭既多不可人獨設故設旅幕衆人共之

○鄭

司農曰尸次祭祀之尸所居更衣帳

○賈氏曰未祭則常服至祭所

乃更去服祭服故須更衣

射則張耦次

鄭康成曰耦俱升射者次在洗東

○賈氏曰大射鄉射耦皆兩兩揖讓

升自西階鄉兩楹之間履射物南面而射射訖又兩兩揖讓降自西階天子大射六耦在西郊賓射六耦

在朝燕射三耦在寢則六耦三耦據諸侯射者若衆耦則多但無常數耳○易氏曰天子

不能獨射也有射必有耦有耦必有次大射曰遂命三耦取弓矢於次此雖諸侯之禮亦以為天子耦次之證

掌凡邦之張事

史氏曰謂凡設陳之役○王氏曰掌凡邦之張事則在宮張事自幕人共之掌次所掌凡在邦而已

史氏曰先王設掌次之官其意若曰帷幕幄帟所用

非一處用罷則徹之而復用其為費亦小矣後世離
宮別館竭萬家生養之資為一日巡幸之備嗚呼無
惑乎生民息肩之無日也

周禮訂義卷九